

SCRIPT OF EVENING GOJRI NEWS BULLETIN 14AUG 2026

1700HRS

اوننگ گوجری نیوز بولیٹن 14 اگست 2026

یوہ آکاشوانی جموں بے نصرت تے عبیدالرحمان تیں خبر سُنو۔

HEADLINES

- ۱۔ صدر جمہوریہ درویدی مرمو 80 واں یوم آزادی غا سلسلہ مانہہ اج شام قوم نال خطاب کریں گی۔
- ۲۔ یوم آزادی تیں پہلاں پورا جموں کشمیر غے اندر حفاظتی انتظامات سخت کردتا گیا ہیں جموں تے سرینگر مانہہ یوم آزادی تقریبات وستے خصوصی حفاظتی انتظامات کیا گیا ہیں۔
- ۳۔ لیفٹیننٹ گورنر منوج سنہا نے تقسیم غی ہولناکی متعلق یاد کاری تہاڑہ ور منعقد پروگرام مانہہ شرکت کی تے کہیو ہے کہ تقسیم گا زخم 8 دہائیاں تیں بعد وی پوری طرح پرں نی ہوا۔
- ۴۔ وزیر اعلیٰ عمر عبداللہ نے کہیو ہے کہ وادی کشمیر غے اندر کشمیری پنڈتاں غی حفاظت ناہہ نظر انداز نی کی وجانو چاہیے۔
- ۵۔ جموں کشمیر غے اندر بارشاں گو سلسلو جاری ہے محکمہ موسمیات نے 16 تیں 19 اگست توڑی پاری بارشاں غی پیشن گوئی کی ہے۔

PREZ ADDRESS

صدر جمہوریہ درویدی مرمو 80 ویں یوم آزادی تقریبات تیں پہلاں قوم نال خطاب کریں گی۔ صدر جمہوریہ غو خطاب شام 7 بجے آکاشوانی گا پورا قومی نیٹ ورک ور نشر کیو جے غو۔ یوہ خطاب دور درشن غا تمام چینلاں ور پہلاں بندی تے اُن تیں بعد انگریزی زبانان مانہہ نشر کیو جے غو۔ دور درشن ور بندی تے انگریزی مانہہ خطاب تیں بعد اس ناہہ بکھ بکھ علاقائی زبانان مانہہ وی علاقائی چینلاں ور نشر کیو جے غو۔ آکاشوانی اپنا تمام متعلقہ نیٹ ورک ور علاقائی زبانان مانہہ صدر جمہوریہ گو خطاب رات 9 بج غے 30 منٹ ور نشر کرے گو۔

SECURITY I'DAY

یوم آزادی غی تقریبات غے پیش نظر جموں کشمیر مانہہ حفاظت غا مزید سخت انتظام کردتا گیا ہیں خاص طور ور قبضہ لکیر تے بین العقوامی سرحد غے نیڑے علاقان مانہہ حفاظتی انتظامات کیا گیا ہیں۔ گشت جانچ تے زمینی و فضائی نگرانی مانہہ وی اضافو کیو گیو ہے جموں مانہہ یوم آزادی غی مرکزی تقریب مولانا آزاد سٹیڈیم مانہہ منعقد کی جے غی جت ناایب وزیر اعلیٰ سریندر چودھری قومی چنڈو لہرائیں غا تے پریڈ غی سلامی لیں غا سرینگر مانہہ وزیر اعلیٰ عمر عبداللہ بخشی سٹیڈیم مانہہ ہون آلی تقریب غی صدارت کریں گا۔ وزیر سکینہ اتو ، جاوید احمد رانا ، جاوید احمد ڈار تے ستیش شرما بالترتیب اننت ناگ ، پونچھ ، بارہمولہ تے کٹھوعہ مانہہ ضلع سط □ غی تقریبات غی قیادت کریں گا۔ اس تیں

وزیر اعلیٰ عمر عبداللہ نے اج کہیو کہ جموں کشمیر مانہ حفاظتی انتظامات غی ذمے داری سنبھالں آلا اداراں ناتہ وادی مانہ کم کرن آلا کشمیر پنڈت ملازماں نانہ ملن آلی دہشت گردی غی تمکیاں نانہ سنجیدگی تیں لینو چاہیے۔ اُنہاں نے

